

ZENIČKO-DOBOJSKI KANTON
SKUPŠTINA
Komisija za izbor i imenovanja

Na osnovu člana 33. Poslovnika Skupštine Zeničko-dobojskog kantona-Treći Prečišćeni tekst («Službene novine Zeničko-dobojskog kantona», broj: 14/18, 18/18-isp., 7/19 i 7/20), Komisija za izbor i imenovanja Skupštine Zeničko-dobojskog kantona, na 20. sjednici, održanoj dana 11.05.2020. godine, donijela je slijedeću odluku:

PONIŠTAVA SE JAVNI KONKURS
za imenovanje jednog člana Ureda za pritužbe javnosti, državnog službenika zaposlenog u Ministarstvu
unutrašnjih poslova ili Upravi policije

objavljen u «Službenim novinama Zeničko-dobojskog kantona» broj: 20/19 od 12.11.2019. godine, te dnevnom listu «Dnevni avaz» i dnevnom listu „Oslobođenje“ dana 14.11.2019. godine, koji je postavljen i na web stranici Zeničko-dobojskog kantona, www.zdk.ba

Imajući u vidu da postojećem sastavu Ureda za pritužbe javnosti mandat traje do 01.12.2020. godine, te odredbu člana 57. stav (8) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona" broj:13/18, 6/19 i 22/19) koja propisuje da se postupak izbora Ureda pokreće najkasnije šest mjeseci prije isteka mandata postojećeg Ureda, Komisija za izbor i imenovanja raspisuje odnosno objavljuje **Javni konkurs za imenovanje Ureda za pritužbe javnosti, u slijedećem tekstu:**

Na osnovu člana 33. Poslovnika Skupštine Zeničko-dobojskog kantona-Treći prečišćeni tekst («Službene novine Zeničko-dobojskog kantona», broj: 14/18, 18/18 isp., 7/19 i 7/20), a u vezi sa članom 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 56. i 57. Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona" broj:13/18, 6/19 i 22/19), Komisija za izbor i imenovanja Skupštine Zeničko-dobojskog kantona, na 20. sjednici, održanoj dana 11.05.2020. godine, raspisuje odnosno o b j a v l j u j e:

JAVNI KONKURS
za imenovanje Ureda za pritužbe javnosti

Status

Ured za pritužbe javnosti je nezavisno tijelo Skupštine Kantona.

Ured se sastoji od pet članova i to predsjedavajućeg i četiri člana.

Predsjedavajući i tri člana Ureda su iz reda građana, a jedan član je državni službenik zaposlen u Ministarstvu ili Upravi policije.

Najmanje jedan član Ureda mora biti diplomirani pravnik odnosno osoba sa stečenom diplomom visokog obrazovanja pravne struke.

Sastav Ureda odražava nacionalnu strukturu stanovništva na teritoriji Kantona prema popisu stanovništva iz 1991. godine, uz poštivanje spolne zastupljenosti.

Ured radi isključivo na profesionalnim osnovama i ne zastupa i ne štiti interese bilo koje političke stranke, registrovane organizacije ili udruženja u Bosni i Hercegovini.

Nadležnosti Ureda za pritužbe javnosti

Nadležnost Ureda je da:

- a)** prima, razmatra, procjenjuje i prosljeđuje pritužbe na rad policijskih službenika Uprave policije, izjavljenih od građana, pravnih lica i drugih subjekata;
- b)** podnosi inicijativu za pokretanje internog postupka protiv policijskog službenika zbog povrede službene dužnosti;
- c)** prati, nadzire predmete i interni postupak koje provodi Jedinica za profesionalne standarde;
- d)** prati i nadgleda izvršenje disciplinskih sankcija izrečenih od nadležnih disciplinskih tijela i provođenje tih disciplinskih sankcija kako bi se osigurala pravičnost i dosljednost, kao i svrha kažnjavanja;
- e)** prati i nadgleda da li Jedinica za profesionalne standarde obavještava podnosioca pritužbe o ishodu internog postupka u pisanoj formi;
- f)** vodi evidencije i baze podataka o pritužbama građana i rezultatima istrage na osnovu kojih je pokrenut disciplinski, prekršajni ili krivični postupak;
- g)** zahtijeva dodatno izvođenje dokaza u internom postupku ako mišljenje Ureda nije jednako mišljenju Jedinice za profesionalne standarde;
- h)** prati i nadgleda je li Jedinica za profesionalne standarde dostavila izvještaj nadležnom tužilaštvu u slučaju kada postoji osnovana sumnja da se radi o krivičnom djelu;
- i)** inicira pokretanje postupka za utvrđivanje odgovornosti protiv policijskog službenika Uprave policije koji bude odlagao, opstruirao ili prikrivao informacije vezane uz bilo koju povredu službene dužnosti;
- j)** zahtijeva pokretanje disciplinskog postupka protiv zaposlenika Jedinice za profesionalne standarde zbog zlostrebe ili zapostavljanja postupka;

- k) vrši nadzor nad ostvarivanjem nezavisnosti u radu Jedinice za profesionalne standarde koji se odnosi na pokrenuti interni postupak;
- l) dostavlja Nezavisnom odboru pritužbe koje se odnose na rad policijskog komesara;
- m) priprema i podnosi godišnji izvještaj o svom radu Skupštini Kantona, a na zahtjev Skupštine Kantona sačinjava i dostavlja dodatni izvještaj o svom radu;
- n) obavještava javnost o svom radu;
- o) donosi poslovnik o svom radu i
- p) obavlja i druge poslove propisane zakonom i podzakonskim propisima.

Ako se pritužba odnosi na državnog službenika ili namještenika Ministarstva ili Uprave policije, Ured prosljeđuje pritužbu ministru, odnosno policijskom komesaru u roku 15 dana od dana prijema pritužbe. Pod pritužbom se podrazumijeva podnesak koji se odnosi na nepravilan rad policijskih službenika.

Uslovi za imenovanje Ureda za pritužbe javnosti, (predsjedavajućeg i članova Ureda)

Član Ureda za pritužbe javnosti mora ispunjavati sljedeće uslove:

- a) da je državljanin Bosne i Hercegovine;
- b) da ima visoku stručnu spremu najmanje VII stepen obrazovanja ili najmanje završen prvi ciklus visokog obrazovanja bolonjskog sistema studiranja sa 240 ECTS bodova i najmanje pet godina radnog iskustva u struci u oblasti pravnih ili drugih društvenih nauka;
- c) da nije član političke stranke;
- d) da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- e) da u posljednje četiri godine nije bio član izvršnog ili zakonodavnog tijela, na bilo kojem nivou vlasti u Bosni i Hercegovini;
- f) da nije osuđivan za krivično djelo;
- g) da se protiv njega ne vodi krivični postupak;
- h) da mu nije izrečena disciplinska sankcija za teže povrede službene dužnosti

Predsjedavajući Ureda pored gore navedenih uslova, mora imati najmanje deset godina rukovodnog radnog iskustva na pravnim poslovima.

U svrhu dokazivanja ispunjavanja propisanih uvjeta, kandidati su dužni uz prijavu na javni konkurs podnijeti i sljedeću dokumentaciju, kao dokaze, (originalne ili ovjerene kopije):

- uvjerenje o državljanstvu,
- diplomu o stečenoj stručnoj spremi,
- uvjerenje o radnom iskustvu u struci,
- izjavu ovjerenu kod nadležnog organa za dokazivanje ispunjavanja uvjeta iz tačaka c), d), e), i h) (ne stariju od šest mjeseci)
- akt nadležnog organa da nije osuđivan za krivično djelo,
- akt nadležnog organa da se protiv njega ne vodi krivični postupak

Sa kandidatima koji budu stavljeni na Listu užeg izbora Komisija će obaviti intervju. *Prijave kandidata treba da sadrže **naznaku da li se prijavljuju za predsjedavajućeg ili člana Ureda**, te adresu stanovanja, e-mail adresu i kontakt telefon.* Javni konkurs će biti objavljen u «Službenim novinama Zeničko-dobojskog kantona», dnevnom listu «Oslobođenje» i dnevnom listu „Dnevni avaz“, kao dva dnevna lista koja se distribuiraju na cijeloj teritoriji Bosne i Hercegovine, te će isti biti postavljen i na web stranici Zeničko-dobojskog kantona, www.zdk.ba Rok za podnošenje prijava je **15 dana** od dana zadnjeg objavljivanja konkursa.

Postupak izbora Ureda za pritužbe javnosti provodi se prema odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 11/13). Ured se imenuje na mandat od četiri godine, a može se obnoviti samo jednom uzastopno. Predsjedavajući i članovi Ureda imaju pravo na naknadu za svoj rad, a visinu naknade utvrđuje Skupština Kantona. Komisija za izbor i imenovanja Skupštine Kantona će:

- pregledati sve prijave koje pristignu u propisanom roku,
- na osnovu principa iz člana 3. Zakona o ministarskim, vladinim i drugim imenovanjima Federacije Bosne i Hercegovine i kriterija za imenovanje, sastaviti listu s užim izborom najboljih kandidata koji ispunjavaju sve propisane kriterije za imenovanje i koji su povoljno ocijenjeni prema kriterijima za imenovanje,
- pozvati sve kandidate sa liste s užim izborom, odnosno one koji budu ispunjavali sve propisane uslove i budu priložili traženu dokumentaciju, na intervju.

*Prijave se dostavljaju lično na pisarnicu Kantona ili preporučenom poštom sa naznakom " **Prijava na javni konkurs za imenovanje Ureda za pritužbe javnosti - ne otvaraj**" na adresu: **Zeničko-dobojski kanton - Skupština - Komisija za izbor i imenovanja, ulica Kučukovići broj 2, Zenica.** **U prijavi posebno navesti da li se kandidat prijavljuje za predsjedavajućeg ili člana Ureda.** Neblagovremene i nepotpune prijave neće biti uzete u razmatranje.*

PREDSJEDAVAJUĆI
Ćazim Huskić, s.r.